

EAST ASIAN LIBRARY
RM 8049 ROBARTS LIBRARY
UNIVERSITY OF TORONTO
TORONTO, CANADA M5S 1A5

漢魏六朝百三家集

東漢

李蘭臺
馬季長

第十二冊

V. 12

李開臺集

李開臺集
卷一
詩
七
律
七
言
五
言
四
言
三
言
二
言
一
言

李蘭臺集

李伯仁集題詞

後漢書文苑二十人李伯仁與其選
亦蘭臺文章之傑也傳云著詩賦銘
誄頌七歎哀典凡二十八篇今誄頌
哀典俱不見七歎無傳惟有七歎豈
歎字之訛耶其文寂寥非枚叔比也

詩有九曲歌間屬闕文賦五首微質
雅擬之上林長楊則泰山丘垤也當
時薦者稱其文有相如揚雄風何哉
銘八十餘多體要之作及所匠意于
子雲百官箴得其深矣摯仲治譏以
穢病屈諸王莽鼎銘之下抑文家以

少言爲貴而多者難于見工也

婁東張溥題

河有九曲歌開篇賦五首微管
祖擬之上林長楊則泰山丘垤也管
時爲若稱其文有相如揚雄風何哉
銘八十餘多筆墨之作及所匠意于
于雲百官
東聚戰眼治識以
少言參贊由參本轉下具工也

漢李伯仁集目錄

賦

函谷關賦

平樂觀賦

東觀賦

德陽殿賦

辟雍賦

七

七款

李蘭臺集

目錄

銘

函谷關銘

孟津銘

河銘

洛銘

鴻池陂銘

井銘

明堂銘

太學銘

辟雍銘

永安宮銘

德陽殿銘

闕銘

雲臺銘

京師城門銘

正陽城門銘

高安館銘

平樂館銘

東觀銘

堂銘

門銘

中東門銘

上西門銘

上東門銘

關陽城門銘

津城門銘

旄城門銘

廣陽門銘

雍城門銘

夏城門銘

穀城門銘

室銘

楹銘

牖銘

琴銘

鐘簴銘

漏刻銘

鼎銘

古鼎銘

屏風銘

舟楫銘

寶劍銘

笛銘

小車銘

天駟車銘

經橈銘

讀書枕銘

筆銘

墨硯銘

冠幘銘

文履銘

錯佩刀銘

金馬書刀銘

弧矢銘

弩銘

彈銘

盾銘

鉦銘

書案銘

床几銘

鎧銘

良弓銘

轡銘

鞍銘

馬箠銘

卧牀銘

麈尾銘

薰鑪銘

安哉銘

羹魁銘

豐侯銘

箕銘

權衡銘

匱匣銘

武庫銘

圍棋銘

盤銘

樽銘

杯銘

印銘

鏡銘

靈壽杖銘

金羊燈銘

灶銘

席銘

鞠城銘

序

几銘序

詩

九曲歌

附錄

本傳

李蘭臺集目錄終

東漢李蘭臺集卷全

漢 廣漢李尤 著

明 太倉張溥 閱

賦

函谷關賦

惟皇漢之休烈兮，包八極以據中。混無外之濫
盪兮，惟唐典之極崇。萬國喜而洞洽兮，何天衢
以流通。襟要約之險固兮，制關捷以擒并。其南
則有蒼梧荔浦，離水謝沐。涯浦零中，以窮海陸。

於北則有蕭居天井、壺口石經，貫越伐朔，以臨胡庭。緣邊邪指，陽會玉門，凌測龍堆，或置於西。則有隨龍武夷、白水江零，沔漢阻曲，路繇山泉。舊水遼濫，沐落是經，廼周覽以汎觀兮，歷衆關以遊目。惟夸濶之宏麗兮，羌莫盛於函谷。施雕礪以作好，建峻敞之堅重，殊中外以隔別，翼巍巍之高崇。命尉臣以執鑰，統羣類之所從，嚴固守之，猛厲操戈鉞而普聰。蕃鎮造而惕息，侯伯過而震惶。惟函谷之初設險，前有姬之苗流，嘉

升喜之望氣，知真人之西遊。爰物色以遮道，爲
著書而肯留。自周轍之東遷，秦虎眈乎中州。文
馳齊而懼追，謫鷄鳴於狗偷。睢背魏而西逝，託
衾衣以免搜。大漢承弊以建德，革厥舊而運修。
准令宜以就制，因茲勢以立基。蓋可以詰非司
邪，括執喉咽。季末荒戍，墮闕有年。天閔羣黎，命
我聖君。稽符皇乾，孔適河文。中興再授，二祖同
勛。永平承緒，欽明奉循。上羅三關，下列九門。會
萬國之玉帛，練百蠻之貢琛。冠蓋紛其雲合，車

馬動而雷奔、察言服以有譏、捐繻傳而勿論、於以廓襟度於神聖、法易簡於乾坤、

平樂觀賦

乃設平樂之顯觀、章秘瑋之奇珍、習禁武以講捷、厭不羈之遐鄰、徒觀平樂之制、鬱崔嵬以離婁、赫巖巖其崆嶺、紛電影以盤盱、彌平原之博敞、處金商之維瓠、大厦累而鱗次、承峒峩之翠樓、過洞房之轉闔、厯金環之華鋪、南切洛濱、北陵蒼山、龜池泱泱、果林榛榛、天馬沛艾、鬣尾布

分爾乃大和隆平、萬國肅清、殊方重譯、絕域造
庭、四表交會、抱珍遠并、雜遝歸誼、集於春正、翫
屈奇之神怪、顯逸才之捷武、百僚于時各命所
主、方曲旣設、秘戲連敘、逍遙俯仰、節以鞀鼓、戲
車高橦、馳騁百馬、連翩九仞、離合上下、或以馳
騁、覆車顛倒、烏獲扛鼎、千鈞若羽、吞刃吐火、燕
躍鳥跖、陵高履索、踴躍旋舞、飛丸跳劍、沸渭回
擾、色淪隈一、踰肩相受、有仙駕雀、其形蚺虬、騎
驢馳射、狐兔驚走、侏儒巨人、戲謔爲耦、禽鹿六

駢、白、鳥、朱、首、魚、龍、鼻、延、峴、岷、山、阜、龜、螭、蟾、蜍、挈、
琴、鼓、缶、

東觀賦

敷華寔於雍堂、集幹質於東觀、東觀之苑、孽孽
洋洋、上承重閣、下屬周廊、步西蕃以徙倚、好綠
樹之成行、厯東厓之敞坐、庇蔽茅之甘棠、前望
雲臺、後匝德陽、道無隱而不顯、書無闕而不陳、
覽三代而采宜、包郁郁之周文、

德陽殿賦

開三階而參會錯金銀於兩楹入青陽而窺總
章歷戶牖之所經連壁組之潤漫雜虬文之蜿蜒
奕爾乃周閣迴匝峻樓臨門朱閣巖巖嗟峨槩
雲青鎖禁門廊廡翼翼華蟲詭異密采珍縹達
蘭林以西通中方池而特立果竹鬱茂以蓁蓁
鴻雁裔裔而來集德陽之北斯曰濯龍葡萄安
石蔓延蒙籠橘柚含桃甘果成叢文櫬曜水光
映煌煌

辟雍賦

辟雍巖巖，規矩圓方，階序牖闥，雙觀四張，流水
湯湯，造舟爲梁，神聖班惠，由斯以匡，王公群后，
卿士具集，攢羅鱗次，差池襍遯，延忠信之純德，
次列左右之貂璫，三后八蕃，師尹群卿，加休慶
德，稱壽上觴，戴甫垂畢，其儀蹒蹒，是以乾坤所
周，八極所要，夷狄蠻羌，僭耳哀牢，重譯響應，抱
珍來朝，南金大璐，玉象犀龜，

七

七款

奇宮閒館，廻洞庭門，并幹廣望，重閣柘因，夏屋

渠渠，嵯峨合連，前臨都街，後據流川，梁王一作上

青黎一作麗，盧橘是生，白華綠葉，扶疎冬榮，與時

代序，孰不墮零，黃景炫炫，眩林曜封，金衣素裹，

一作紫班白內克，滋味偉異，淫樂無窮，副以芋柘，

豐宏誕節，纖液玉津，旨於飲蜜，

李蘭臺集

卷八

三

銘

函谷關銘

函谷險要，襟帶咽喉。尹從李老，畱作二篇。孟嘗
離秦，奔驚東征。夜造稽疑，譎以鷄鳴。范雎將入，
自盛以囊。元鼎輦移，錯之新安。舍彼西阻，東卽
高原。長墉重關，閒固不踰。簡易易從，與乾合符。
孟津銘

洋洋河水，赴宗于海。經自中州，龍圖所在。黃函
白神，赤符以信。昔有周武，集會孟津。魚入王舟，

廼往克殷

赴水經
註作朝

河銘

洋洋河水，赴宗于海。經自中州，龍圖所在。昔周武諸侯，會于孟津。魚入王舟，乃往尅殷。大漢承緒，懷附遐鄰。邦事來濟，各貢厥珍。

洛銘

洛出熊耳，東流會集。夏禹導疏，經于洛邑。玄龜赤字，漢符是立。帝都通路，建國南鄉。萬乘終濟，造舟爲梁。三都五州，貢篚萬方。廣視遠聽，審任

賢良元首昭明庶類是康

鴻池陂銘

水經注

鴻澤之陂。聖王所規。開水東注。出自城池。

井銘

井之所尚。寒泉冽清。法律取象。不繁自平。多取不損。少汲不盈。執憲若斯。何有邪傾。

明堂銘

布政之室。上圓下方。體則天地。在國正陽。窓闥四設。流水洋洋。順節行化。各居其房。春恤幼孤。

夏進賢良。秋厲武人。冬謹關梁。

太學銘

漢遵禮典，崇興六藝。修周之理，埽秦之弊。褒建
儒宮，廣置異記。開延學者，勸以爵位。

辟雍銘

惟王所建，方中圓外。清流四匝，蕩滌濁穢。

永安宮銘

合歡黃堂，中和是遵。舊廬懷本，前果暢春。

前一作新

候臺集道，俾司星辰。豐業廣德，以協天人。萬福

不助嘉娛永欣

德陽殿銘

皇穹垂象以示帝王紫微之側宏讓

誕一作彌一作

爾

光大漢體天承以德陽崇宏高麗苞

一作受

萬方內宗

一作綜

朝貢外示

一作供

遐荒

闕銘

皇上尊嚴萬姓載依國都攸處建設端闡表樹

兩觀雙闕巍巍

雲臺銘

周氏舊居，惟漢襲因，崇臺嶒峻，一作上擬蒼雲，
垂示億載，俾率舊章，人修一作循其行，而國其昌。

京師城門銘

天險匪登，地險丘陵，帝王設險，乾坤是承。

正陽城門銘

雒陽城十二門

平門督司，午位處分，外臨僚侍，內達帝宮，正陽

南面，炎暑赫融，

後漢書注平城司午厥位處中

高安館銘

巍巍高安，明聖是修，嘒嘒麗館，窓闥列周，長除

臨起櫺檻相承。聖朝明察。同保休徵。

平樂館銘

乃興平樂。宏敞麗光。層樓通閣。禁闥洞房。禁梁
照曜。朱華飾璫。騁武舒秘。以示幽荒。如榮普覆。
然後來王。

東觀銘

周氏舊區。皇漢寔循。房闥內布。疏綺外陳。升、降、
三、除、貫、啓、七、門、是、謂、東、觀、書、籍、林、林、列、侯、宏、雅、
治、掌、藝、文、

堂銘

因邑致宅爰興殿堂夏屋渠渠高敞清涼家以
師禮修奉蒸嘗延賓西階主近東廂宴樂嘉客
吹笙鼓簧

門銘

門之設張爲宅表會納善閉邪擊柝防害

中東門銘

中東處仲月值當昴倉庚有聲隼鷹匿爪除去
桎梏訟獄勿考

上西門銘

上西在季位月惟戌菊黃豺祭號令嚴悉

上東門銘

上東少陽厥位在寅條風動物月值孟春

關陽城門銘

關一作開

關陽在孟位月惟巳清門一作明冠節太陽進起

津城門銘

津名自定位月在未一作名有定位惟月在未溫風鬱暑鷹鳥習鷺

旄城門銘

一作
耗誤

旄門值季。位月在辰。順陽布惠。貧乏是振。

廣陽門銘

廣陽位孟。厥月在申。涼風從時。白露已紉。

雍城門銘

雍門處中。位月在酉。盲風寒濁。鷺雁一作歸山阜。

夏城門銘

夏門值孟。位月在亥。陰陽不通。蝮螭匿彩。迎冬北壇。從陰所在。

穀城門銘

穀門北中位當于丑太陰主形殺伐爲首

丑後漢書

注作子爲一作
事首一作子

室銘

室以安寔寢息幽閉室寒空隙遮遏風寒無日
寂寞屋漏昭然

楹銘

幹強體正雖重不移上下相安高而不危

牖銘

天設窓牖開光照陰施于明堂以象八風

琴銘

琴之在音蕩滌邪心雖有一作存正性其感亦深

存雅却鄭浮侈是禁條暢和止一作樂樂而不淫

鐘簴銘

周因殷禮損益可知漢因於周猶若重規人曰
秦器事有可施鴻鐘怒簴物得其宜聲揚遠聞
文耀委迤

漏刻銘

玉海摘昏明數句爲晉李克銘注云藝文有後漢李尤銘又有李克

銘今攷藝文
兩載並作尤

昔在先聖配天垂則仰釐七曜俯順神德力一作

乃建日官俾立漏刻昏明既序景曜不忒唐命

羲和敬授人時懸象著明序以崇熙季末不虔

德衰于茲挈壺失職一作節刺流在詩聖哲稽古

帝則是欽尺璧非寶重此寸陰昧旦丕顯敬聽

漏音思我王度如玉如金

鼎銘

五鼎大和滋味集具雖快其口損之爲務

古鼎銘

王命尸臣官此拘邑。賜爾和鸞。黼黻珣玆。尸臣拜手曰。敢對揚天子丕顯休命。

屏風銘

舍則潛避。用則設張。立必端直。處必廉方。雍。闕。風。雅。霧。露。是。抗。奉。上。蔽。下。不。失。其。常。

舟楫銘

舟楫之利。譬猶輿馬。載

輦一作輦

重。歷遠以濟天下。

相風視波。窮究川野。安審懼慎。終無不可。

寶劍銘

五材並用誰能去兵龍淵耀奇太阿飛名陸斷
犀兕水截鯢鯨摺紳咸服翼宣儀刑豈徒振武
義合金聲

笛銘

出。自。鹵。南。流。離。浩。蕩。

小車銘

圓蓋象天方軫

一作輿

則地輪法陰陽動不相離

合

一作軫

之謙虛疏達開通兩輜障邪尊卑是從

輓輒之用信義所同。

天駟車銘

御覽作
輶車

奚氏本造後裔餘雍輪以代步屏以蔽容輪駟并合出入周通追仁赴義惟禮是恭。

經橈銘

瞻之在前忽焉在後進新習故不舍於口。子在川上逝者如斯及年廣學無間不知。

讀書枕銘

曉政理事怠則覽書傾倚偃息隨體與居寤心。

起意由愈宴娛

筆銘

筆之強志。一作忍庶事分別。七術雖衆。猶可解說。

投足。一作口無擇言。駟不及舌。筆之過誤。愆尤不滅。

墨硯銘

書契既造。硯墨乃陳。烟石附筆。以流以申。篇籍永垂。紀志功勲。

冠幘銘

冠爲元服。幘爲首服。君子敬慎。自強不忒。

文履銘

乃製茲履。文質武斌。允顯明哲。卑以牧身。步此堤道。絕彼埃塵。

錯佩刀銘

佩之有錯。抑武揚文。豈爲麗好。將戒其身。

金馬書刀銘

巧冶鍊剛。金託於刑。貢文錯鏤。兼勒工名。淬以清流。礪以越石。

一本無淬以二句

弧矢銘

弦木爲弧。剡木爲矢。弧矢協并。八極同紀。協并

八極。四
方同紀。

弩銘

放自近古。發意所覩。前聖制方。後世建弩。機牙
發矢。執破醜虜。克獲雖屢。猶不可常。忘戰者危。
極武者傷。

彈銘

昔之造彈。起意弦木。以丸爲矢。合竹爲樸。漆飾
以霑。不用筋角。丸彈之利。以弋鳧鶩。晉靈驕悖。

羣臣是彈。樂其如躍。趨如避丸。

盾銘

吳旂魯敵。戎兵特頒。進則避刃。爰以衛軀。

鉦銘

申嚴號令。誓飾師旅。以肅紀律。萬衆是聽。

書案銘

居則致樂。承顏接賓。承奉奏記。通達詔制。尊上
答下。道合仁義。

牀几銘

虛左致賢。設坐來賓。筵牀對几。盛養已陳。穀仁
飯義。枕典席文。道可醉飽。何必清醇。西伯善養。
二老來遊。

鎧銘

甲鎧之施。扞禦鋒矢。尚其堅剛。或用犀兕。內以
存身。外不相害。有似仁人。厥道廣大。好德者寧。
好戰者危。專智恃力。君子不爲。

良弓銘

弓矢之作。爰自曩時。鄉射一作村載禮。招命在詩。

妙

一作力

稱顏高巧

一作功

發晉師

一作由基

不爭之美

亦以

辨儀

一作詳疑

轡銘

轡銜在手。急緩必時。賞罰在心。中和是思。馬知良銜。進取道理。人知善政。令行禁止。

鞍銘

駢驚馳逐。騰躍覆被。雖其捷習。亦有顛沛。并羸其瓶。罔不斯敗。

馬箠銘

御者箠策示有威怒東野之敗督責過度

臥床銘

體之所安寢處和歡夕惕敬慎崇德遠奸

麈尾銘

搗成德柄言爲訓辭鑒彼逸傲念茲末茲

薰鑪銘

上似蓬萊吐氣委蛇芳烟布繞遙冲紫微

安哉銘

陶器

安哉令名甘旨是盛埏埴之巧甄陶所成食彼

美珍思此鹿鳴

羹魁銘

羊羹不徧駟馬長驅

豐侯銘

豐侯荒繆醉亂逃逸乃象其形爲禮戒式後世
傳之固無止說

箕銘

神農植穀以養蒸民箕主簸揚糠粃及陳

權衡銘

夫審輕重。莫若權衡。欲正是非。其唯賢明。

匱匣銘

國有都邑。家有匣匱。貨賄之用。我之利器。

武庫銘

搏噬爪牙。鋒距之先。毒螫芒刺。矛矢以存。聖人垂象。五兵已陳。

圍棋銘

詩人幽憶。感物則思。志之空閒。翫弄遊竟。局爲憲矩。碁法陰陽。道爲經緯。方錯列張。

盤銘

或以承觴。或以受物。既舉清觴。又成口實。

樽銘

樽設在堂。以俟俊乂。三山共承。雕琢錯帶。

杯銘

小之爲杯。大之爲聞。杯聞之用。無施不可以飲。以享慎斯得止。周公之美。驕吝爲病。

印銘

赤紱在報。非印不明。繫傳符節。非印不行。龜紐。

犢鼻用爾作程

鏡銘

鑄銅爲鑑。整飾容顏。修爾法服。正爾衣冠。

靈壽杖銘

亭亭奇幹。寔曰靈壽。甘泉潤根。清露流莖。乃制爲杖。扶危定傾。旣憑其實。亦貴其名。

金羊燈銘

賢哲勉務。惟日不足。金羊載耀。作明以續。

灶銘

燧人造火。灶能以興。五行接備。陰陽相承。

席銘

施席接賓。士無愚賢。值時所有。何必羊豚。

鞠城銘

圓鞠方牆。倣象陰陽。法月衡對。二六相當。建長立平。其例有常。不以親疎。不有阿私。端心平意。莫怨其非。鞠政由然。況乎執機。

序

几銘序

黃帝軒轅仁智恭恕恐事之有闕作輿几之法

左傳集解卷八

八雅

詩

九曲歌

年歲晚暮時已斜。安得力士翻日車。闕

平康集卷全

平康集

平康集

本傳

李尤字伯仁廣漢雒人也少以文章顯和帝時
侍中賈逵薦尤有相如揚雄之風召詣東觀受
詔作賦拜蘭臺令史稍遷安帝時爲諫議大夫
受詔與謁者僕射劉珍等俱撰漢記後帝廢太
子爲濟陰王尤上書諫爭順帝立遷樂安相年
八十三卒所著詩賦銘誄頌七歎哀典凡二十
八篇尤同郡李勝亦有文才爲東觀郎著詩誄
頌論數十篇

李蘭臺集

卷八

三

李蘭臺集終

國

朝

臣

表

馬季長集

馬季長集題詞

漢世通儒並推季長盧涿郡鄭北海
咸出其門家世貴戚居養豐澤卽坐
高堂施絳帳著書授生徒以老亦足
以傳何汲汲榮仕也廣成一頌雕鏤
萬物名雖諷諫鄧氏意在炫才感衆

寧知適逢彼怒乎東巡頌質古簡言
似季長韜光之作安帝見而奇之召
拜郎中文之遇不遇豈人意所及哉
西羌反叛馬賢胡疇留兵不進季長
懷河上之憂上書求効又陳星孛參
畢戎狄將起觀其撫時奮發誠聰儒

冠同腐草木乃心懲鄧氏恐怖梁冀
旣頌將軍西第又誣奏李太尉於死
代人匠斲點染名賢斯文墜地百身
莫贖矣季長注孝經云忠猶有闕述
仲尼之說而作忠經其文常人耳及
讀本傳並未云季長作忠經然則忠

經果馬氏之書歟予不敢相信也范史
譏融慮深垂堂不及昏靡予亦哀其
儒者風流自隕漢陽之節重負南山
摯季直矣

婁東張溥題

東漢馬季長集目錄

賦

長笛賦

圍碁賦

擣薊賦

琴賦

疏

上安帝請龐參等書

上論日蝕疏

上順帝乞自劾疏

頌

廣城頌

東巡頌

書

爲梁冀誣奏太尉李固書

與謝伯世書

與竇伯向書

序

忠經序

著述

忠經

附錄

本傳

馬季長集目錄終

馬季長集

卷全

二

孟春之月

始耕也

天子親耕

以勸民

大夫親耕

以勸士

士親耕

以勸民

東漢馬季長集卷全

漢 扶風馬融 著

明 太倉張溥 閱

賦

長笛賦 有序

融既博覽典雅，精覈數術，又性好音律，能鼓琴吹笛，而爲督郵，無留事，獨臥郿縣平陽，鄔中有雒容舍逆旅，吹笛爲氣，出精列，相繇融去京師踰年，斲聞甚悲而樂之，追慕王子淵，枚乘，劉伯

康傳武仲等簫琴笙頌唯笛獨無故聊復備數
作長笛頌其辭曰

惟鐘籠之奇生兮於終南之陰崖託九成之孤
岑兮臨萬仞之石磯特箭橐而莖立兮獨聆風
於極危秋潦漱其下趾兮冬雪樛封乎其枝巔
槐跼之禁別兮感迴飈而將頽夫其面旁則重
巘增石簡積頽砭兀婁衎齧傾曷倚伏摩窅巧
老港洞坑谷嶰壑嶢峴峭窅巖窞運裒穿浚岡
連嶺屬林蕭蔓荆森樛柞樸於是山水猥至淳

涔障潰。頤淡滂流。確投瀨穴。爭湍萃縈。汨活澎湃。波瀾鱗淪。窰隆詭戾。瀑瀑噴沫。犇遯碭突。搖演其山。動杙其根者。歲五六而至焉。是以間介無蹊。人迹罕到。猿蜚晝吟。鼯鼠夜叫。寒熊振頷。特麇昏眊。山雞晨羣。野雉朝雊。求偶鳴子。悲號長嘯。由衍識道。噉噉謹譟。經涉其左右。嚙聒其前後者。無晝夜而息焉。夫固危殆險巇之所迫也。衆哀集悲之所積也。故其應清風也。纖末奮箱。錚鏘縈噉。若絙瑟促柱。號鍾高調。於是放臣

逐子棄妻離友。彭胥伯奇。哀姜孝已。攢乎下風。
收精注耳。雷歎頽息。搢膺擗標。泣血泣流。交橫
而下。通旦忘寐。不能自禦。於是乃使魯舫宋翟。
構雲梯。抗浮柱。蹉纖根。跋籜縷。膺峭阨。腹陁阻。
逮乎其上。匍匐代取。挑截本末。規摹襲矩。夔襄
比律。子野協呂。十二畢具。黃鍾爲主。矯揉斤械。
團剡度擬。總硎頽墜。程表朱表。定名曰笛。以觀
賢士。陳於東階。八音俱起。食舉雍徹。勸侑君子。
然後退理乎黃門之高廊。重丘宋灌。名師郭張。

工人巧士、肄業修聲、於是游閒公子、暇豫王孫、
心樂五聲之龠、耳比八音之調、乃相與集乎其
庭、詳觀夫曲胤之繁會、叢雜、何其富也、紛葩爛
漫、誠可喜也、波散廣衍、實可異也、葦距刼選、又
足怪也、啾咋嘈卒、似華羽兮、絞灼激以轉切、震
鬱怫以馮怒兮、眩矐駭以奮肆、氣噴勃以布覆
兮、乍踳躑以狼戾、雷叩鍛之岌岌兮、正瀏漂以
風冽、薄奏會而凌節兮、馳趣期而赴躋、爾廼聽
聲類形、狀似流水、有飛鳥鴻、汜濫溥漠、浩浩洋

洋長轡遠引，旋復迴皇。充屈鬱律，瞋菌礪秧。鄧
琅磊落，駢田磅礴。取予時適，去就有方。洪殺衰
序，希數必當。微風纖妙，若存若亡。盡滯抗絕，中
息更裝。奄忽滅沒，曄然復揚。或乃聊慮固護，崑
美擅工，漂凌絲簧，覆冒鼓鐘。或乃植持紼纒，佻
儻寬容，簫管備舉，金石竝隆。無相奪倫，以宣八
風。律呂既龢，哀聲五降。曲終闕盡，餘絃更興。繁
手累發，密櫛疊重。踟蹰攢仄，蜂聚蟻同。衆音猥
積，以送厥終。然後少息暫怠，雜弄間奏。易聽駭

耳。有所搖演。安翔駘蕩。從容闡緩。惆悵怨懟。歲
園。賓。赦。聿。皇。求。索。乍。近。乍。遠。臨。危。自。放。若。頽。復。
反。蚡。緼。蟠。紆。纏。宛。蜿。蟺。笄。笄。抑。隱。行。入。諸。變。絞。
槩。汨。湟。五。音。代。轉。援。拏。揆。臧。遞。相。乘。邐。反。商。下。
徵。每。各。異。善。故。聆。曲。音。者。觀。法。于。節。奏。察。度。于。
句。投。以。知。禮。制。之。不。可。踰。越。焉。聽。遙。弄。者。遙。思。
于。古。昔。虞。志。於。怛。惕。以。知。長。戚。之。不。能。間。居。焉。
故。論。記。其。義。協。比。其。象。彷徨縱肆。曠濆敞罔。老。
莊。之。槩。也。溫。直。優。毅。孔。孟。之。方。也。激。朗。清。厲。隨。

光之介也、牢刺拂戾、諸賁之氣也、節解句斷、管
商之制也、條決續紛、申韓之察也、繁縟絡繹、范
蔡之說也、莠櫟銚慳、哲龍之惠也、上擬法於韶
箒、南籥中取度於白雪、淶水下采制于延露、巴
人、是以尊卑都鄙、賢愚勇懼、魚鼈禽獸、聞之者
莫不張耳鹿駭、熊經鳥伸、鴟視狼顧、拊譟踴躍
各得其齊、人盈所欲、皆反中和、以美風俗、屈平
適樂國、介推還受祿、澹臺載尸歸、皐魚節其哭
長萬輟逆謀、渠彌不復惡、蒯聵能退敵、不占成

節鄂王公保其位，隱處安林薄。宦夫樂其業，士子世其宅。鰾魚喁于水裔，仰駟馬而舞玄鶴。于斯時也，綿駒吞聲，伯牙毀絃，瓠巴聵柱，磬襄弛懸，畱眎瞠眙，累稱屢讚，失容墜席，搏拊雷抃，焦眇睢維，涕洟流漫，是故可以通靈感物，寫神喻意，致誠效志，率作興事，漑鹽汙穢，澡雪垢滓，率皆庖羲作琴，神農造瑟，女媧制簧，暴辛爲埙，匱之和鐘，叔之離磬，或鑠金礪石，華院切錯，九挺彫琢，刻鏤鑠鑠，竿窮妙極巧，曠以日月，然後成器。

其音如彼，唯笛因其天姿，不變其材，伐而吹之，其聲如此，蓋亦簡易之義，賢人之業也。若然六器者，猶以二皇聖哲黹益，況笛生乎大漢而學者，不識其可以裨助盛美，忽而不讚。悲夫！有庶士丘仲言其所由出而不知其宏妙，其辭曰：近世雙笛從羌起，羌人伐竹未及已。龍吟水中不見已，截竹吹之聲相似。剡其上孔通洞之，裁以當適，便易持。易京君明識音律，故本四孔加以

一。君明所加孔後出，是謂商聲五音畢。

督郵官名主諸縣罰貧殿糾攝之也鄔里名
又營居曰鄔氣出精列古曲名劉玄字伯康
作簣賦鐘籠竹名九成九重也箭幹謂之橐
櫛與團古字通聚也巔根根生于巔也槩別
危貌感觸也頽墜也面旁正面側旁也山之
下小上闊者曰巘簡大也頽砭石齊頭貌兀
巘犽巘峻險貌庠笱巧老深空貌港洞相通
也小山別大山曰嶰澮峴嶰壑深平貌嵒嵒
坎也窞坎中小坎也窞窞也良注曰嶰壑嵒
峴寬大而相連也嵒窞巖窞山下深闊窞穴
也運裊迴旋相纏也窞法卑下也向注運裊
陰陽運氣裊之也窞窞氣之潤濕也林蕭小
竹蔓荆柞樸皆木名森慘長貌竹與諸物雜
生也此言笛所產之地也猥衆也淳潒池也
障隄也潰壞也頽淡滂流水搖蕩廣大貌確
春也澆穴水注成穴也言水似春之投澆穴
也爭湍急水萃縈迴旋也汨活疾貌澎濤波
聲鱗淪相次貌衆隆高下貌詭戾猶奇異也

瀑瀑沸涌也。蜺似獼猴，鼯鼠一名夷蜎，一名
飛生，聲如人呼，頤頤也。昏視也。髟鬣也。迴視
而起，髟鬣也。由衍行貌。虺，亂聲。籍與稍同，動
也。鐸，鑼大聲。訢，小聲。嗃，大呼也。絙，急絃也。號
鐘，琴名。言風動竹聲如急絃促柱，鳴琴高調
也。彭彭咸，諫紂不從而奔胥，伍子胥，伯奇尹
吉甫之子，聽後妻言逐之，自傷無罪，投河而
死。哀姜，魯文公夫人，子不得立而被殺，歸齊
過市而哭。孝己，殷中宗子，事親一夜五起，聽
後妻言逐之，墮膺叩心也。擗，擗心貌。言竹
未成笛時，水盪其根，風動其梢，而有此感人
也。墮，落也。岸峭者必墮，言險也。陁，斷山也。以
膺服於峭也。而腹窆於陁阻也。夔，飾也。夔后
夔，襄師襄子野，師曠字十二，六律六呂也。黃
鍾，宮聲也。宮爲君，故以爲主。矯揉者，以火矯
之。斤，械者，以斧理之。剗，裁也。剗，銳也。鉶，大鑿
中木也。謂以木通節中也。硎，磨也。頽墜，竹節
之屑墜落也。翰注云：硎以刀通節中也。程示

也程表外不加飾也朱裏以朱塗其內也以
其滌穢故可觀士黃門署名習樂之處重丘
地名朱灌郭張四姓漢時善樂者重丘所出
也煇善注曰曲也濟注曰曲長曰煇也紛葩
爛熳聲散而多波散廣衍聲散而遠掌柱也
遇觸也啾咋聲衆而大也嘈啐聲貌鶻冠子
曰南方萬物華羽焉故調以羽謂南方火其
聲烈也絞灼激聲相繞激也憑怒大怒也眩
聲貌碭突也氣噴勃氣結笛中聲不散也布
覆氣通而四覆也跼蹠其聲跼立如有所蹠
履也銀椎也岌岌叩椎之聲瀏漂風冽聲隨
風而清也寒薄湊會聲相集湊而會合也節
曲之節其聲溢出故曰凌節馳疾也期亦節
也躋下也疾趣則其聲散而赴于下也琴道
曰伯夷操似鴻雁之音故云象飛鴻響善注
視也翰注被也言似流水飛鴻相被遠引不
絕也旋復廻皇去住不定高下不常貌充屈
二句善注衆聲鬱積競出貌濟注鬱結不散

貌、艷琅二句，衆聲宏大，四布貌，表序，差其次序也。蓋與燼同，餘也。抗，極也。裝，束也。更裝者，謂中道息聲，更調理而次之也。抗絕，則奄忽而滅，更裝，則又復揚也。聊慮，精心也。固護，堅志也。漂凌，謂過之、覆冒，謂掩之也。縱，繩也。植立而相引持，似縱纏也。伯儼，寬閒貌。八風，八方之風。降，罷退也。言聲成五降而息也。餘絃，笛聲似擊絃之餘響也。密櫛，密如櫛也。踞蹠，迫蹙也。攢反，攢聚也。踞蹠二句，正衆音猥積之狀。曲將終，衆音畢出而送之也。搖演，心神清貌。安翔，駘蕩，從容闡緩，皆聲初發，或起或伏，寬容閑緩也。窳固，聲不貌。窳，竄。輶，聲緩也。聿皇，疾貌。求索，相合擊也。蚡蜉，蟠行，聲相糺紛也。經，寬。蛻，蟬。盤，屈。搖動貌。篴，笏。抑，隱手。尋，笛孔也。絞，槩。汨，湟。聲相切磨也。按，拏。按，臧，謂索持而推抑之也。遘，遘。迴也。反商下徵，變調也。引，亦曲也。投，與逗古通。猶章句也。造弄，小曲也。翰，云，造，雜也。長戚，長憂也。閒居，獨處也。節

奏句逗之中有禮制此正聲也。遙弄則繁雜小聲矣。故遠想古人。心虞怛惕也。曠濬敞固寬大閒幽也。牢刺牢落乖刺也。續亂也。紛五五臣作理亂而能理也。務櫟銚愷分別節制之貌。哲龍鄧哲公孫龍皆辯士也。南籥以籥舞也。文王之樂白雪淥水古曲名。延露巴人小曲也。鹿性多驚故云駭熊經如熊之攀樹而引氣也。鳥伸引頸也。鴟視舉首而視。狼顧反顧也。各得其齊言得其分齊不相踰也。屈平以下言各反其常性也。左傳曰介之推從晉文公出亡後賞從亡者推不言祿隱而死博物志曰澹臺子溺於江弟子欲收之曰螻蟻何親魚鰲何仇弟子曰何夫子之不慈乎曰生爲吾子死非吾鬼遂不收葬詩傳曰孔子出遊聞哭聲甚悲則臯魚也問其故曰吾少好學周流天下吾親死一失也高尚其志不事庸君而晚仕無成二失也少擇交遊寡親友老無所託三失也樹欲靜而風不寧子

欲養而親不待立哭而死左傳曰南宮長萬弑宋閔公又曰鄭伯將以高渠彌爲卿昭公惡之固諫不聽昭公立弑之又曰蒯瞶衛太子登鐵丘望鄭師衆自投車下詩傳曰陳不占齊人崔杼弑莊公不占將往赴之食則失哺上車失軾其僕曰敵在數百里外而懼怖如此雖往其益乎不占曰死君之難義也無勇私也至公門外聞鐘鼓聲駭而死喁魚口上見也魚喁水裔卽伯牙鼓琴魚出聽也仰秣卽瓠巴鼓瑟駟馬仰秣也尚書大傳曰虞舜歌樂日和伯之樂舞立鶴珥安也瞠直視也眙驚貌搏拊舉手也雷拊同拊手也焦眇睢維目開合之貌暴辛周時諸侯墳土樂燒土爲之大如鷄卵三孔倕舜時人丘仲漢武時人不見已不見其身也聲相似與龍吟相似也剡削也適馬策也易京京房也字君明武帝時人修易故曰易京尤好音律知五聲笛本四孔少商聲房加孔于下爲商也

櫛團 禁泉 颺標 頽盪 砭王 婁篋 标宜 齏凝 庠罵

窳砲 峴兌 岫坎 睿淡 覆伏 痒汗 浹遏 慘參 柞作

頤憾 渴學 碣唐 堆位 頤憾 廢加 髟標 噍啾 營榮

絙亘 咆護 畫忽 硎同 選迂 眩宏 峇渴 轡蠻 紼

愁戀 怡翅 儼毅 窳眾 固盍 赧赧 經因 壇善 篋泯

梭催 造初 救務 黎愷 獲鱣 尋聃 貽翅 眈患 挺

抽延 竿鑿 黠偷 上適 過過

圍棋賦

略觀圍棋兮，法於用兵；三尺之局兮，為戰鬪場。

陳聚士卒兮兩敵相當拙者無功兮弱者先亡
自有中和兮請說其方先據四衛兮保角依旁
緣邊遮列兮往往相望離離焉首兮連連雁行
蹕度間置兮徘徊中央違閣奮翼兮左右翱翔
道狹敵衆兮情無遠行棋多無筋兮如聚羣羊
駱驛自保兮先後來迎攻寬擊虛兮蹌踉內房
利則爲時兮便則爲強厭于食兮壞決垣墻堤
潰不塞兮泛濫遠長橫行陣亂兮敵心駭惶迫
兼棋雞兮頗棄其裝已下險口兮鑿置清坑窮

其中郢兮如鼠入囊收死卒兮無使相迎當食
不食兮反受其殃勝負之機兮于言如髮乍緩
乍急兮上且未別白黑紛亂兮于約如葛雜亂
交錯兮更相度越守規不固兮爲所唐突深入
貪地兮殺亡士卒狂攘相救兮先後并沒上下
離遮兮四面隔閉圍合罕散兮所對哽咽韓信
將兵兮難通易絕自陷死地兮設見權譎誘敵
先行兮往往一室損寡委食兮三將七卒馳逐
爽問兮轉相周密商度地道兮期相盤結蔓延

連閣兮如火不滅扶疏布散兮左右流溢浸淫
不振兮敵人慙慙迫役踧踖兮惆悵自失計功
相除兮以時早訖事留變生兮收拾欲疾營惑
窘乏兮無令詐出深念遠慮兮勝乃可必

樗蒲賦

昔立通先生遊於京都循憲旣備好此樗蒲伯
陽入戎以斯消憂枰則素旃紫蜀出乎西鄰緣
以績繡紕以綺文栝則搖木之幹出自崑山矢
則藍田之石卞和所工含精玉潤不細不洪馬

則立犀鳥牙是磋是礪，栢爲上將，木爲君，副齒爲號，令馬爲翼，距籌爲策，動天法，卒數於是芬葩，貴戚公侯之儔，坐華櫬之高殿，臨激水之清流，排五木，散九齒，勒良馬，取衛里，是以戰無常勝，時有逼逐，臨敵攘圍，事在將帥，見利電發，紛綸滂沸，精誠一叫，十盧九雉，磊落蹇蹕，并來猥至，先名所射，應聲粉潰，勝貴歡悅，負者沉悴。

琴賦

惟梧桐之所生在衡山之峻陂，於是遨閒公子

中衛失志，孤兒特行，裏閤抱思，昔師曠三奏，而
神物下降，立鶴二八，軒舞於庭，何琴德之深哉。

疏

上安帝請龐參等書

元初中參爲護羌校尉擊先零羗爲其所敗乃稱病引兵還坐詐徵下獄校書郎中馬融上書請之書奏赦參等

伏見西戎反畔寇鈔五州陛下愍百姓之傷痍哀黎元之失業單竭府庫以奉軍師昔周宣獫狁侵鎬及方孝文匈奴亦略上郡而宣王立中興之功文帝建太宗之號非惟兩主有明叡之資抑亦扞城有虓虎之助是以南仲赫赫列在

周詩。亞夫赳赳。載于漢策。竊見前護羌校尉龐參。文武昭備。智略宏遠。既有義勇果毅之節。兼以博雅深謀之姿。又度遼將軍梁懂前統西域。勤苦數年。遠留三輔。功效克立。間在北邊。單于降服。今皆幽囚。陷于法網。昔荀林父敗績于邲。晉侯使復其位。孟明視喪師於崤。秦伯不替其官。故晉景并赤狄之士。秦穆遂霸西戎。宜遠覽二君。使參懂得在寬宥之科。誠有益于折衝。毗佐于聖化。

上論日蝕疏

建光四年三月戊午朔日有蝕之在胃
十二度隴西酒泉朔方各以狀上史官
不覺是時融
爲許令上書

伏讀詔書陛下深惟禹湯罪已之義歸咎自責
寅畏天戒詳延百僚博問公卿知變所自審得
厥故修復往術以答天命臣子遠近莫不延頸
企踵苟有隙空一介之知事願自效貢納聖聽
臣伏見日蝕之占自昔典籍十月之交春秋傳
記漢注所載史官占候羣臣密對陛下所觀覽

左右所諷誦可謂詳悉備矣。雖復廣問。陷在前志。無以復加。乃者弗氣於參。臣前得敦朴之人。後三年二月對策北宮端門。以爲參者西方之位。其於分野并州是也。殆謂西戎北狄。其後種羌叛矣。烏桓犯上郡。并涼動兵。驗略效矣。今復見大異。申誠重譴。於此二城。海內莫見。三月一日。合辰在婁。婁又西方之宿。衆占顯明者。羌及烏桓。有悔過之辭。將吏策勲之名。臣恐受任與牧者。苟脫目前。皆粗圖身。一時之權。不顧爲國。

百世之利。論者美近功。忽其遠。則各相不大疾。病。伏惟天象不虛。老子曰。圖難於其易也。爲大於其細也。消災復異。宜在於今。詩曰。日月吉凶。不用其行。四國無政。不用其良。傳曰。國無政。不用善。則自取謫于日月之災。故政不可不慎也。務三而已。一曰擇人。二曰安民。三曰從時。臣融伏惟方今有道之世。漢典設張。侯甸采衛。司民之吏。案繩循墨。雖有殿最。所差無幾。其陷罪辟。身自取禍。百姓未被其大傷。至邊郡牧御失和。

吉之與凶。敗之與成。優劣相懸。不誠不可審擇。
其人。上以應天變。下以安民隸。竊見列將子孫。
生長京師。食仰租奉。不知稼穡之艱。又希遭阨。
困故能果毅輕財。施與孤弱。以獲死生之用。此。
其所長也。不拘法禁。奢泰無度。功勞足以宣威。
踰濫足以傷化。此其所短也。州郡之士。出自貧。
苦。長於檢柙。難專賞罰。不敢越溢。此其所長也。
拘文守法。遭遇非常。狐疑無斷。畏首畏尾。威恩。
纖薄。外內離心。士卒不附。此其所短也。必得將

兼有二長之才。無二短之累。參以吏事。任以兵法。有此數姿。然後能折衝厭難。致其功實。轉災爲福。孔子曰。十室之邑。必有忠信。如丘者焉。以天下之大。四海之衆。云無若人。臣以爲誣矣。宜特選詳譽。審得其真。鎮守二方。以應用良擇人之義。以塞大異也。

上順帝乞自効疏

融陽嘉平。大將軍梁商表爲從事中郎。傳武都太守。時西羌反叛。征西將軍馬賢與護羌校尉胡疇征之。稽久不進。融知其將敗。上疏乞自効。朝廷不能用。

今雜種諸羌轉相鈔盜。宜及其未并。亟遣深入。破其支黨。而馬賢等處處留滯。羌胡百里望塵。千里聽聲。今逃匿避回。漏出其後。則必侵寇三輔。爲民大害。臣願請賢所不可用。關東兵五千。裁假部隊之號。盡力率厲。埋根行首。以先軍士。三旬之中。必克破之。臣少習學藝。不更武職。猥陳此言。必受誣罔之辜。昔毛遂廝養。爲衆所蚩。終以一言克定從要。臣懼賢等專守一城。言功於西。而羌出於東。且其將士必有高克潰叛之


變

馬季長集

卷全

疏

十六



頌

廣成頌

融拜校書郎、詣東觀典校秘書、是時鄧太后臨朝、驍兄弟輔政、謂文德可興、武功宜廢、遂寢蒐狩之禮、息戰陳之法、故猾賊從橫、乘此無備、融乃感激、以爲文武之道、聖賢不墜、五才之用、無或可廢、元初二年、上廣成頌、以諷諫、頌奏、忤鄧氏、滯於東觀、十年不調、

臣聞孔子曰奢則不遜、儉則固、奢儉之中、以禮爲界、是以蟋蟀山樞之人、並刺國君、諷以太康馳驅之節、夫樂而不荒、憂而不困、先王所以平

馬季長集

卷全

頌

七

和府藏頤養精神致之無疆故戛擊鳴球載於
虞謨吉日車攻序於周詩聖主賢君以增盛美
豈徒爲奢淫而已哉伏見元年以來遭值厄運
陛下戒懼災異躬自菲薄荒棄禁苑廢弛樂懸
勤憂潛思十有餘年以過禮數重以皇太后體
唐堯親九族篤睦之德陛下履有虞烝烝之孝
外舍諸家每有憂疾聖恩普勞遣使交錯稀有
曠絕時時甯息又無以自娛樂殆非所以逢迎
太和裨助萬福也臣愚以爲雖尚頗有蝗蟲今

年五月以來、雨露時澍、祥應將至、方涉冬節、農
事閒隙、宜幸廣成、覽原隰、觀宿麥、勸收藏、因講
武校獵、使寮庶百姓、復覩羽旄之美、聞鐘鼓之
音、歡欣喜樂、鼓舞疆畔、以迎和氣、招致休慶、小
臣螻蟻、不勝區區、職在書籍、謹依舊文、重述蒐
狩之義、作頌一篇、并封上、淺陋鄙薄、不足觀省、
臣聞昔命師於韃橐、偃伯于靈臺、或人嘉而稱
焉、彼固未識夫雷霆之爲天常、金革之作昏明
也、自黃炎之前、傳道罔記、三五以來、越可略聞、

且區區之鄴郊。猶廓七十里之囿。盛春夏之苗。
詩詠囿草。樂奏騶虞。是以大漢之初基也。宅茲
天邑。總風雨之會。交陰陽之和。揆厥靈囿。營于
南郊。徒觀其埆場區宇。恢昭曠蕩。藐負勿罔。寥
豁鬱泱。騁望千里。天與地莽。於是周陟環瀆。右
轡三塗。左概嵩嶽。面據衡陰。箕背王屋。浸以波
漭。寅以滎洛。金山石林。殷起乎其中。峨峨磴磴。
鏘鏘唯唯。隆穹槃回。嵎峴錯崔。神泉側出。丹水
湟池。怪石浮磬。耀焜于其陂。其土毛則摧牧薦。

草芳茹甘荼。苾其芸薶。昌本深蒲。芝蒨莖苳。蘘
荷芋藻。桂荏鳧葵。格韭蒞于。其植物則立林包
竹。藩陵蔽京。珍林嘉樹。建木叢生。椿梧栝柏。柜
柳楓楊。豐彤對蔚。峯頤慘爽。翕習春風。含津吐
榮。鋪千布濩。確扈薶災。惡可殫形。至于陽月。陰
慝害作。百草畢落。林衡戒田。焚萊柞木。然後舉
天網。埴八紘。掣歛九藪之動物。緼橐四野之飛
征。鳩之乎茲囿之中。山敦雲移。羣鳴膠膠。鄙駮
譟謹。子野聽聳。離朱目眩。隸首策亂。陳子籌昏。

於時營圍恢廓。充斥川谷。罽罽羅羅。彌綸阡澤。
臯牢陵山。按隊案部。前後有屯。甲乙相伍。戊巳
爲堅。乘輿乃以吉月之陽朔。登於疏鑿之金路。
六驪駟之立龍。建雄虹之旌夏。揭鳴鳶之修橦。
曳長庚之飛髻。載日月之太常。棲招搖與立弋。
注枉矢於天狼。羽毛紛其髣髴。楊金髮而拖玉
環。屯田車于平原。播同徒于高岡。旃旒摻其如
林。錯五色以摘光。清氛埃。掃野塲。誓六師。搜雋
良。司徒勒卒。司馬平行。車攻馬同。教達戒通。伐

咎鼓撞華鐘。獵徒縱赴榛叢。徽燼霍奕。別驚分
奔。騷擾聿皇。往來交舛。紛紛回回。南北東西。風
行雲轉。匈磕隱訇。黃塵勃潏。闇若霧昏。日月爲
之籠光。列宿爲之翳昧。僇狡課才。勁勇程氣。狗
馬角逐。鷹鷂競驚。驍騎旁佐。輕車橫厲。相與陸
梁。聿皇於中原。緝狴蹠。鏐特肩。脰完抵。撝介鮮。
散毛族。桔羽羣。然後飛鋌。電激。流矢雨墜。各指
所質。不期俱殪。竄伏扔輪。發作梧轄。殺爰狂擊。
頭陷顱碎。獸不得掾。禽不得瞥。或夷繇未殊。顛

猥頓躓。螻螻蟬蟬。充衢塞隧。葩華萍布。不可勝
計。若夫驚獸殺虫。倨牙黔口。大匈哨後。縕巡歐
紆。負隅依阻。莫敢嬰禦。乃使鄭叔。晉婦之徒。睽
孤封刺。裸程袒裼。冒櫛柘。搓棘枳。窮浚谷。底幽
嶰。暴斥虎搏狂兕。獄齧熊。祛封豨。或輕訛。趙悍。
廋疏婁領。犯厯嵩巒。陵喬松。履修櫛。踔趯枝杪。
標端尾蒼雌。倚玄猿。木產盡。寓屬單。罕罔合部。
曾弋同曲。類行竝驅。星布麗屬。曹伍相保。各有
分局。矰落飛流。織羅絡縠。遊雉羣驚。晨鳧輩作。

輦然雲起。雪爾電落。爾乃蘋觀高蹈。改乘回轅。
泝恢方。撫馮夷。策句芒。超荒忽。出重陽。厲雲漢。
橫天潢。導鬼區。徑神場。詔靈寶。召方相。驅厲疫。
走蜮祥。捎罔兩。拂游光。柳天狗。縹墳羊。然後緩
節舒容。裴回安步。降集波灊。川衡澤虞。矢魚陳
罟。茲飛宿沙田。開古蠱。輦終葵。揚關斧。刊重冰。
撥蟄戶。測潛鱗。踵介旅。逆獵湍瀨。泝薄汾撓。淪
滅潭淵。左挈夔龍。右提蛟鼉。春獻王鮪。夏薦鼈
鼃。於是流覽徧照。殫變極態。上下究竟。山谷蕭

條原野嶮嶮。上無飛鳥。下無走獸。虞人植旂。獵者效具。車弊田罷。旋入禁囿。棲遲乎昭明之觀。休息乎高光之榭。以臨乎宏池。鎮以瑤臺。純以金堤。樹以蒲柳。被以綠莎。瀟漾沆漭。錯紵繁委。天地虹洞。固無端涯。大明生東。月朔西陂。乃命壺涿。驅水蠱逐。罔螭滅短狐。簪鯨鮓。然後方餘皇連舫舟。張雲帆。施蜺幃。靡颼風。陵迅流。發棹歌。縱水謳。淫魚出。蓍蔡浮。湘靈下。漢女游。水禽鴻鵠。鴛鴦鷗鷺。鶻鵒鷓鴣。鷺鴈鷺鷥。乃安斯寢。

戢翮其涯。魴鱣鰓鰋。鯉鱠。樂我純德。騰踊
相隨。雖靈沼之白鳥。孟津之躍魚。方斯茂矣。然
猶詠歌於伶蕭。載陳於方策。豈不哀哉。於是宗
廟既享。庖廚既盈。車徒既簡。器械既攻。然後擺
牲班禽。淤賜犒功。羣師疊伍。伯拔千重。山二常
滿。房俎無空。酒正案隊。膳夫巡行。清醪車湊。燔
炙騎將。鼓駭舉爵。鐘鳴既觴。若乃陽阿。裴裴之
晉制。闐鼉華羽之南音。所以洞蕩匈臆。發明耳
目。疏越蘊惱。駭恫底伏。鏗鏘鎗鎗。奏於農郊。大

路之衢。與百姓樂之。是以明德耀乎中夏。威靈
暢乎四荒。東隣浮巨海而入享。西旅越蔥嶺而
來王。南徼因九譯而致貢。朔狄屬象胥而來同。
蓋安不忘危。治不忘亂。道在乎茲。斯固帝王之
所以曜神武而折遐衝者也。方今大漢收功于
道德之林。致平於仁義之淵。忽蒐狩之禮。闕槃
虞之佃。闇昧不覩日月之光。聾昏不聞雷霆之
震。於今十二年。爲日久矣。亦方將刊禁臺之秘
藏。發天府之官常。繇質要之故業。率典刑之舊

章承清原。嘉岐陽。登俊傑。命賢良。舉淹滯。拔幽
荒。察淫侈之華譽。顧介特之實功。聘畎畝之羣
雅。宗重淵之潛龍。乃儲精山藪。歷思河澤。目矚
鼎俎。耳聽康衢。管傳說於胥靡。求伊尹於庖廚。
索膠鬲於魚鹽。聽甯戚于大車。俾之昌言而宏
議。軼越三家。馳騁五帝。悉覽休祥。總括羣瑞。遂
棲鳳皇於高梧。宿麒麟於西園。納焦僥之珍羽。
受王母之白環。永逍遙於宇內。與二儀乎無疆。
貳造化於后土。參神施於昊乾。超持達而無儔。

煥巍巍而無原。豐千億之子孫。歷萬載而永延。
禮樂既闋。北轅反旆。至自新城。背伊闕。反洛京。

東巡頌

安帝親政。召融還郎署。復在講部。出爲河間王廐長。時車駕東巡岱宗。融上東巡頌。帝奇其文。召拜郎中。

允迪在昔。紹烈陶唐。殷天衷。克搖光。若時則運。
瓊衡。敷六典。經八成。肆類乎上帝。實柴乎三辰。
禋祀乎六宗。祗燎乎羣神。遂發號羣司。申戒百
工。卜筮稱吉。著龜襲從。南征有時。馮相告祥。清

夷道而後行。曜四國而揚光。展聖義於巡狩。喜
圻峙而咏八荒。指宗嶽以爲期。固岱神之所望。
散齋旣畢。越翼良辰。棫櫨增構。烈火燔燃。暉光
四揚。炎爛薄天。蕭香肆升。青煙冒雲。珪璋戢戢。
犧牲潔純。鬱鬯宗彝。明水玄樽。空桑孤竹。咸池
雲門。六八匝變。神祇竝存。
太平御覽經八成下有變和高殊總領神

明二句

馬云士集卷八
三

馬云士集卷八
三

馬云士集卷八
三

馬云士集卷八
三

書

爲梁冀誣奏太尉李固書

質帝初立，梁太后委任宰輔，固多所匡正。冀每相忌疾，遂誣奏固。時融在座，爲冀章草冀長史吳祐面責融曰：李公之罪，成于卿手。冀怒，起入，祐亦竟去。書奏太后，不聽。

臣聞君不稽古，無以承天。臣不述舊，無以奉君。昔堯殂之後，舜仰慕三年，坐則見堯于牆，食則覩堯於羹。斯所謂聿追來孝，不失臣子之節者。太尉李固因公假私，依正行邪，離間近戚，自隆

支黨至於表舉薦達例皆門徒及所辟召靡非
先舊或富室財賂子壻婚屬其列在官牒者凡
四十九人又廣選賈豎以補令史募求好馬臨
窻呈試出入踰侈輜輶曜日大行在殯路人掩
涕固獨胡粉飾貌搔頭弄尾槃旋偃仰從容冶
步曾無慘怛傷悴之心山陵未成違矯舊制善
則歸已過則歸君斥逐近臣不得侍送作威作
福莫固之甚臣聞台輔之位實和陰陽璇璣不
平寇賊姦軌則責在太尉固受任之後東南跋

扈兩州數郡，千里蕭條，兆人傷損，大化陵遲，而
詆疵先主，苟肆狂狷，存無廷爭之忠，沒有誹謗
之說，夫子罪莫大於累父，臣惡莫深於毀君，固
之過釁，事合誅辟。

與謝伯世書

頃憤憤愁思，猶不解懷，思在竹間，放狗逐麋，晚
秋涉冬，大倉出籠，黃棘下菟，芼以乾葵，以送餘
日。茲樂而已。藝文類聚憤憤，誤以送一作自送，憤憤尺牘作

與竇伯向書

章字伯向，好學有文，與馬融、崔瑗同好，更相推薦。融與章書：

孟陵奴來賜書，見手迹，歡喜何量。次於面也。書

雖兩紙八行，行七字，七八五十六字，百一十二

言耳。

馬融集後漢志注馬融對策曰：大中之道在天爲北辰，在地爲人君。



序

忠經序

忠經者、蓋出於孝經也、仲尼說孝者、所以事君之義、則知孝者、俟忠而成之。所以荅君親之恩。明臣子之分。忠不可廢于國、孝不可弛于家、孝既有經、忠則猶闕、故述仲尼之說、作忠經焉。今皇上含庖軒之姿、韞勛華之德、弼賢俾能、無遠不舉、忠之與孝、天下攸同、臣融巖野之臣、性則愚朴、沐浴德澤、其可默乎、作爲此經、庶少裨補。

雖則辭理薄陋。不足以稱焉。忠之所存。存於勸善。勸善之大。何以加於忠孝者哉。夫定高卑以章目。引詩書以明綱。吾師於古。曷敢徒然。其或異同者。變易之宜也。或對之以象其意。或遷之以就其類。或損之以簡其文。或益之以備其事。以忠應孝。亦著爲十有八章。所以洪其至公。勉其至誠。信本爲政之大體。陳事君之要道。始於立德。終於成功。此忠經之義也。謹序。

忠經

天地神明章第一

昔在至理。上下一德。以徵天休。忠之道也。天之所覆地之所載人之所履莫大乎忠。忠者中也。至公無私。天無私。四時行。地無私。萬物生。人無私。大亨貞。忠也者一其心之謂矣。爲國之本。何莫繇忠。忠能固君臣。安社稷。感天地。動神明。而況于人乎。夫忠興于身。著于家。成于國。其行一焉。是故一于其身。忠之始也。一于其家。忠之中

也、一於其國、忠之終也、身一則百祿至、家一則
六親和、國一則萬人理、書云惟精惟一、允執厥
中、

聖君章第二

聖君以聖德監於萬邦、自下至上、各有尊也、故
王者上事於天、下事於地、中事於宗廟、以臨於
人、則人化之、天下盡忠以奉上也、是以兢兢戒
慎、日增其明、祿賢官能、式敷大化、惠澤長久、黎
民咸懷、故得皇猷顯丕、行於四方、揚於後代、以

保社稷以光祖考。蓋聖君之忠也。詩云。昭事上帝。聿懷多福。

冢臣章第三

爲臣事君。忠之本也。本立而後化成。冢臣於君。可謂一體。下行而上信。故能成其忠。夫忠者。豈惟奉君忘身。徇國忘家。正色直辭。臨難死節已矣。在乎沉謀潛運。正國安人。任賢以爲理。端委而自化。尊其君有天地之大。日月之明。陰陽之和。四時之信。聖德洋溢。頌聲作焉。書云。元首明。

哉股肱良哉庶事康哉

百工章第四

有國之建。百工惟才。守位謹常。非忠之道。故君子之事上也。入則獻其謀。出則行其政。居則思其道。動則有儀。秉職不回。言事無憚。苟利社稷。則不顧其身。上下用成。故昭君德。蓋百工之忠也。詩云靖共爾位。好是正直。

守宰章第五

在官惟明。蒞事惟平。立身惟清。清則無欲。平則

不曲。明能正俗。三者備矣。然後可以理人。君子盡其忠。能以行其政令。而不理者。未之聞也。夫人莫不欲安。君子順而安之。莫不欲富。君子教而富之。篤之以仁義。以固其心。導之以禮樂。以和其氣。宣君德以宏大其化。明國法以至於無刑。視君之人。如觀乎子。則人愛之。如愛其親。蓋守宰之忠也。詩云。豈弟君子。民之父母。

兆人章第六

天地泰寧。君之德也。君德昭明。則陰陽風雨以

和人賴之而生也是故祗承君之法度行孝悌
於其家服勤稼穡以供王賦此兆人之忠也書
云一人元良萬邦以貞

政理章第七

夫化之以德理之上也則人日遷善而不知施
之以政理之中也則人不得不爲善懲之以刑
理之下也則人畏而不敢爲非也刑則在省而
中政則在簡而能德則在博而久德者爲理之
本也任政非德則薄任刑非德則殘故君子務

於德修於政、謹於刑、固其忠以明其信、行之匪懈、何不理之人乎、詩云、敷政優優、百祿是道、

武備章第八

王者生武、以威四方、安萬人也、淳德布洽、戎夷稟命、統軍之帥、仁以懷之、義以厲之、禮以訓之、信以行之、賞以勸之、刑以嚴之、行此六者、謂之有利、故得師盡其心、竭其力、致其命、是以攻之則克、守之則固、武備之道也、詩云、赳赳武夫、公侯干城、

觀風章第九

惟臣以天子之命出于四方。以觀風。聽不可以
不聰。視不可以不明。聰則審於事。明則辨於理。
理辯則忠。事審則分。君子去其私。正其色。不害
理。以傷物。不憚勢。以舉任。惟善是與。惟惡是除。
以之而陟。則有成。以之而出。則無怨。夫如是。則
天下敬職。萬邦以宣。詩云。載馳載驅。周爰諮諏。
保孝行章第十

夫惟孝者。必貴于忠。忠苟不行。所率猶非其道。

是以忠不及之而失其守。匪惟危身辱及親也。故君子行其孝。必先以忠。竭其忠。則福祿至矣。故得盡愛敬之心。以養其親。施及于人。此之謂保孝行也。詩云。孝子不匱。永錫爾類。

廣爲章第十一

明主之爲國也。任於正。去於邪。邪則不忠。忠則必正。有正然後用其能。是故師保道德。股肱賢良。內睦以文。外威以武。被服禮樂。隄防政刑。故得大化興行。蠻夷率服。人臣和悅。邦國平康。此

君能任臣下忠上信之所致也詩云濟濟多士
文王以寧

廣至理章第十二

古者聖人以天下之耳目爲視聽天下之心爲
心端旒而自化居成而不有斯可謂至理也已
矣王者思於至理其遠乎哉無爲而天下自清
不疑而天下自信不私而天下自公賤珍則人
去貪徹侈則人從儉用實則人不僞崇讓則人
不爭故得人心和平天下淳質樂其生保其壽

優游聖德、以爲自然之至也。詩云：不識不知，順帝之則。

揚聖章第十三

君德聖明，忠臣以榮；君德不足，忠臣以辱。不足則補之，聖明則揚之。古之道也。是以虞有德，咎繇歌之；文王之道，周公頌之；宣王中興，吉甫詠之。故君子臣於盛明之時，必揚之，盛德流滿天下，傳于後代，其忠矣夫。

辯忠章第十四

大哉忠之爲用也。施之於邇則可以保家邦。施之於遠則可以極天地。故明王爲國必先辨忠。君子之言忠而不佞。小人之言佞而似忠。而非聞之者鮮不惑矣。夫忠而能仁則國德彰。忠而能知則國政舉。忠而能勇則國難清。故雖有其能必由忠而成也。仁而不忠則私其恩。知而不忠則文其詐。勇而不忠則易其亂。是雖有其能以不忠而敗也。此三者不可不辯也。書云旌別淑忒。其是謂乎。

忠諫章第十五

忠臣之事君也。莫先于諫。下能言之。上能聽之。則王道光矣。諫於未形者。上也。諫於已彰者。次也。諫於既行者。下也。違而不諫。則非忠臣。夫諫始於順。辭中於抗。議終於死。節以成君休。以寧社稷。書云。木從繩則正。后從諫則聖。

證應章則十六

惟天監人。善惡必應。善莫大於作忠。惡莫大於不忠。忠則福祿至焉。不忠則刑罰加焉。君子守

道所以長守其休。小人不常。所以自陷其咎。休咎之徵也。不亦明哉。書云作善降之百祥。作不善降之百殃。

報國章第十七

爲人臣者。官於君。先後光慶。皆君之德。不思報國。豈忠也哉。君子有無祿而益君。無有祿而已者也。報國之道有四。一曰貢賢。二曰獻猷。三曰立功。四曰興利。賢者國之幹。猷者國之規。功者國之將。利者國之用。是皆報國之道。惟其能而

行之詩云無言不酬無德不報况忠臣之於國乎

盡忠章第十八

天下盡忠。淳化行也。君子盡忠。則盡其心。小人盡忠。則盡其力。盡力者。則止其身。盡心者。則洪於遠。故明王之理也。務在任賢。賢臣盡忠。則君德廣矣。政教以之而美。禮樂以之而興。刑罰以之而清。仁惠以之而布。四海之內。有太平音。嘉祥既成。告于上下。是故播於雅頌。傳於無窮。

Will

本傳

馬融字季長，扶風茂陵人也。將作大匠嚴之子，爲人美辭貌，有俊才。初京兆曄恂以儒術教授，隱於南山，不應徵聘，名重關西。融從其遊學，博通經籍，恂奇融才，以女妻之。永初二年，大將軍鄧騭聞融名，召爲舍人，非其好也，遂不應命。客於涼州武都漢陽界中，會羌虜颺起，邊方擾亂，米穀踴貴，自關以西，道殣相望。融旣饑困，乃悔而歎息，謂其友人曰：「古人有言：左手據天下之

圖。右手刎其喉。愚夫不爲。所以然者。生貴於天下也。今以曲俗咫尺之差。滅無貴之軀。殆非老莊所謂也。故往應騰召。四年。拜爲校書郎中。詣東觀。典校祕書。是時鄧太后臨朝。騰兄弟輔政。而俗儒世士。以爲文德可興。武功宜廢。寢蒐狩之禮。息戰陳之法。故猾賊從橫。乘此無備。融乃感激。以爲文武之道。聖賢不墜。五才之用。無或可廢。元初二年。上廣成頌以諷諫。頌奏忤鄧氏。滯於東觀。十年不得調。因兄子喪。自劾歸。太后

聞之、怒、謂融羞薄、詔除、欲仕州郡、遂令禁錮之、太后崩、安帝親政、召還郎署、復在講部、出爲河間王廢長史、時車駕東巡岱宗、融上東巡頌、帝竒其文、召拜郎中、及北鄉侯卽位、融移病去、爲郡功曹、陽嘉二年、詔舉敦樸、城門校尉岑起舉融、徵詣公車對策、拜議郎、大將軍梁商表爲從事中郎、轉武都太守、時西羌反叛、征西將軍馬賢與護羌校尉胡疇征之、而稽久不進、融知其將敗、上疏乞自効、朝廷不能用、又陳星孛參畢、


參西方之宿畢爲邊兵。至於分野并州是也。西戎北狄。殆將起乎。宜備二方。尋而隴西羌反。烏桓寇上郡。皆卒如融言。三遷。桓帝時爲南郡太守。先是融有事忤大將軍梁冀。冀諷有司奏融在郡貪濁。免官。髡徙朔方。自刺不殊。得赦還。復拜議郎。重在東觀著述。以病去官。融才高博洽。爲世通儒。教養諸生。常有十數。涿郡盧植。北海鄭玄。皆其徒也。善鼓琴。好吹笛。達生任性。不拘儒者之節。居宇器服。多存侈飾。常坐高堂。施

絳紗帳前授生徒。後列女樂弟子以次相傳。鮮有入其室者。嘗欲訓左氏春秋。及見賈逵。鄭衆注。乃曰。賈君精而不博。鄭君博而不精。旣精旣博。吾何加焉。但著三傳異同說。注孝經論語詩易三禮尚書列女傳老子淮南子離騷。所著賦頌碑誄書記表奏七言琴歌對策遺令。凡二十一篇。初融懲於鄧氏。不敢違忤勢家。遂爲梁冀草奏李固。又作大將軍西第頌。以此頗爲正直。所蓋年八十八。延熹九年卒于家。遺令薄葬。族

孫曰碑獻帝時位至太僕

論曰馬融辭命鄧氏逡巡隴漢之間將有意於
居貞乎既有羞曲士之節惜不貲之軀終以奢
樂恣性黨附成譏固知識能匡欲者鮮矣夫事
苦則矜全之情薄生厚故安存之慮深登高不
懼者胥靡之人也坐不垂堂者千金之子也原
其大略歸於所安而已矣物我異觀亦更相笑
也

馬季長集終



19